

REGIONAL NEWS UNIT

ALL INDIA RADIO, SILCHAR

MORNING BULLETIN - BENGALI

Date:- 18-10-2017

Time :07:35-07:40 AM

আসাম মন্ত্রীসভা ২০১৮ সালের চৌঠা এবং ৫ই ফেব্রুয়ারী গৌহাটীতে বিশ্ব বিনিয়োজনকারী সম্মেলন শীর্ষক অনুষ্ঠানের আয়োজনের সিদ্ধান্ত গ্রহন করেছে। প্রধানমন্ত্রী নরেন্দ্র মোদী এই সম্মেলনের উদ্বোধন করবেন। গতকাল রাজ্যের শিল্প এবং বাণিজ্যমন্ত্রী চন্দ্র মোহন পাটোয়ারী গৌহাটীতে এক সাংবাদিক সম্মেলনে মন্ত্রীসভার বৈঠকে গৃহীত সিদ্ধান্তের বিষয়ে জানান। মন্ত্রীসভা রাজ্যের তথ্য ও প্রযুক্তি ক্ষেত্রের উন্নয়নের জন্য বিভিন্ন সিদ্ধান্ত গ্রহন করেছে। এর মধ্যে বিপিও খোলার জন্য কর্মচারীদের জনপ্রতি ১লক্ষ ২০ হাজার টাকা করে এককালীন সাহায্য প্রদান করা হবে। এছাড়া তথ্য প্রযুক্তির ক্ষেত্রে গবেষণার জন্য আর্থিক সাহায্য প্রদান করা হবে। এদিকে ডিজিটাল ক্ষেত্রে স্টার্ট আপ প্রকল্পের জন্য সরকার বিভিন্ন প্রকল্প গ্রহন করেছে বলে শ্রীপাটোয়ারী জানান।

উত্তর পূর্বাঞ্চলের যাত্রীপরিষেবা বৃদ্ধির উদ্দেশ্যে উত্তরপূর্ব সীমান্ত রেলওয়ে বর্তমানের ট্রেনগুলিতে অতিরিক্ত কোচের সংযোজন করে অতিরিক্ত বার্থের সংখ্যা ৩৬% বৃদ্ধি করেছে। চলতি বছরের এপ্রিল থেকে অক্টোবর মাস পর্যন্ত ২৮টি মেল ও এক্সপ্রেস ট্রেনে ৫৬ টি কোচের সংযোজন করেছে। এরফলে ট্রেনগুলিতে চার হাজার ৭৮ টি অতিরিক্ত বার্থের সংস্থান হয়েছে। আগামী মাসগুলিতে আরো কোচ সংযোগ করে বার্থের সংখ্যা আরো বাড়ার সম্ভাবনা রয়েছে বলে জানানো হয়েছে।

আজ কাতি বিহু। রাজ্যের কৃষিজীবী জনসাধারণের মধ্যে উৎসাহ ও উদ্দীপনা পরিলক্ষিত হচ্ছে। ধানের ক্ষেত এবং তুলসি তলায় প্রদীপ

প্রজ্জ্বলনের জন্য ঘরে ঘরে প্রস্তুতি চালানো হচ্ছে । বরাক উপত্যকায়ও আজ আশ্বিন মাসের শেষ দিন অর্থাৎ আশ্বিন সংক্রান্তি পালনের প্রস্তুতি চলছে । উপত্যকার কৃষকদের ঘরে ঘরে আশ্বিন সংক্রান্তি উপলক্ষ্যে ব্রত, পূজা ইত্যাদিরও আয়োজন করা হয়েছে । মুখ্যমন্ত্রী সর্বানন্দ সনোয়াল, রাজ্যপাল জগদীশ মুখী কাতি বিহ উপলক্ষ্যে রাজ্যের জনসাধারণকে শুভেচ্ছা জানিয়েছেন ।

কাছাড় জেলায় আসন্ন পঞ্চায়েত নির্বাচনের জন্য ই আর ও এবং এ ই আর ও দের প্রশিক্ষনের উদ্দেশ্যে গতকাল শিলচরে একটি প্রশিক্ষন সভা অনুষ্ঠিত হয়েছে । প্রশিক্ষন দেন অতিরিক্ত উপায়ুক্ত বি সি নাথ ও রাজীব রায় । প্রশিক্ষনে জানানো হয়েছে যে খসড়া ভোটার তালিকায় জনগন আগামী ১০ ই নভেম্বর পর্যন্ত দাবী ও আপত্তি জানাতে পারবেন । ১৮ ই নভেম্বরের মধ্যে এই দাবী ও আপত্তিগুলির নিষ্পত্তি করে ২৮ শে নভেম্বরের মধ্যে সংশোধিত ভোটার তালিকা প্রকাশ করতে হবে । এছাড়াও সভায় নির্বাচন কমিশনের প্রয়োজনীয় নির্দেশাবলী নিয়ে আলোচনা করা হয়েছে । আজকের সভার পৌরহিত্য করেন জেলা উন্নয়ন আয়ুক্ত মধুমিতা চৌধুরী ।

করিমগঞ্জ জেলার পাঁচটি বিধানসভা কেন্দ্রের গত সোমবার প্রকাশিত ভোটার তালিকা সংশ্লিষ্ট রাজস্ব চক্র, খন্ড উন্নয়ন কার্যালয়, গ্রাম পঞ্চায়েত কার্যালয় এবং সংশ্লিষ্ট ভোট কেন্দ্রগুলিতে জনগনের প্রদর্শনের জন্য রাখা হয়েছে । জনগন তাদের দাবী ও আপত্তি আগামী ১৫ই নভেম্বরের মধ্যে জানাতে পারবেন । এদিকে ভোটার তালিকায় নাম অন্তর্ভুক্তির জন্য বিশেষ প্রচার অভিযান আগামী ২২শে অক্টোবর থেকে ৫ই নভেম্বর পর্যন্ত জেলা জুড়ে চালানো ।

কাছাড়ের জেলা ম্যাজিস্ট্রেট ডঃ এস লক্ষণন কালীপূজা এবং দীপাবলী উৎসবে প্রকাশ্য স্থানে শব্দ সৃষ্টিকারী বাজি, পটকা, আতশবাজি ইত্যাদির ব্যবহারে জনসাধারণ এবং পথচারীদের শান্তি শৃঙ্খলা বিঘ্নিত হবার আশঙ্কায় ভারতীয় দণ্ডবিধির ১৪৪ধারার অধীনে বেশ কিছু নিষেধাজ্ঞা জারী করেছেন। এই নিষেধাজ্ঞা অনুযায়ী কেউ প্রকাশ্য স্থানে শব্দ সৃষ্টিকারী বাজি, পটকা ইত্যাদির প্রদর্শন মজুত ক্রয়-বিক্রয় করতে পারবে না এবং এগুলি প্রস্তুতও করা যাবে না। ১২৫ থেকে ১৪৫ডেসিবলের অধিক শব্দের সামগ্রী প্রকাশ্য স্থানে ব্যবহার করা যাবে না। রাত ১০টা থেকে সকাল ৬টা পর্যন্ত বাজি পটকা ইত্যাদি সাইলেন্ট জোনে ফাটানো যাবে না। কর্তৃপক্ষ ও পুলিশ প্রশাসনের অনুমতি ছাড়া কেউ আর্কেস্ট্রা, সাংস্কৃতিক আনুষ্ঠান, শোভাযাত্রা করতে পারবে না। এছাড়া লাউড স্পিকার, মাইক্রোফোন, মাদক দ্রব্য সেবন চীনের তৈরী সামগ্রী ইত্যাদি বিক্রয়েও নিষেধাজ্ঞা জারী করা হয়েছে।

শিলকুড়ির বরমবাবা মন্দির পরিচালনা কমিটির পক্ষ থেকে জানানো হয়েছে আগামী তেসেরা, চৌঠা ও পাঁচই নভেম্বর রাঁস পূর্ণিমা উপলক্ষ্যে ৭৮তম শ্রী শ্রী বরমবাবা মেলা ও পূজার আয়োজন করা হয়েছে।

বড়খলার হরিগছড়া এলাকার স্থানীয় জনসাধারণের পক্ষ থেকে গতকাল কাছাড়ের জেলা উপায়ুক্তের কাছে একটি স্মারকপত্র দিয়ে বড়খালয় মিনি সচিবালয় স্থাপনের জন্য দাবী জানানো হয়েছে। স্মারকপত্রে বলা হয়েছে যে বড়খলায় রেল যোগাযোগ সহ মহাসড়ক, কেন্দ্রীয় বিদ্যালয়, সীমান্ত সুরক্ষা বাহিনীর কার্যালয় সহ সবধরনের সুযোগ সুবিধা রয়েছে।

করিমগঞ্জ জেলার জাতীয় খাদ্য সুরক্ষা যোজনার কার্ডধারীদের জন্য চলতি অক্টোবর ও আগামী নভেম্বর ও ডিসেম্বর মাসের কেরোসিন বরাদ্দ করা

হয়েছে । শহু ও গ্রামাঞ্চলের খাদ্য সুরক্ষার কার্ডধারীদের মধ্যে প্রতি মাসে দু'লিটার নশ মিলিলিটার করে বন্টন করতে বলা হয়েছে ।

ফিফা আয়োজিত অনূর্ধ্ব-১৭ বিশ্বকাপ ফুটবলে গতকাল গৌহাটীতে স্পেন ২-০ গোলে ফ্রান্সকে পরাজিত করে । কলকাতায় অনুষ্ঠিত ইংল্যান্ড ও জাপানের মধ্যে খেলা গোলশূন্যভাবে শেষ হয়েছে ।

-----সমাপ্ত-----